

April 5, 2020

Hari Minggu Palma TANPA daun Palma

Tidak akan ada kelihatan daun palma pada Hari Minggu Kesengsaraan Tuhan atau Hari Minggu Palma. Dan pengagihan daun palma pada tahun ini juga mungkin tidak akan berlaku.

Memang ada banyak perbincangan tentang isu berkenaan daun palma tetapi hakikatnya, kita masih di bawah perintah kawalan pergerakan oleh kerajaan, maka tidak ada pengagihan dan pemberkatan daun palma mahupun menawarkannya kepada umat untuk dibawa pulang ke rumah.

Teks yang digunakan untuk memberkati daun palma adalah berkaitan dengan Yesus masuk ke kota Yerusalem. Di bawah Perintah Kawalan Pergerakan, kita bukan sahaja tidak melakukan pemberkatan daun palma pada musim pandemik Coronavirus, malah adalah tidak sesuai untuk paroki merancang apa-apa aktiviti yang boleh melibatkan umat meninggalkan rumah mereka.

Dalam Surat Pastoralnya sempena Minggu Suci, Uskup Cornelius menulis, "Tempoh perintah kawalan pergerakan sedang berkuat kuasa. Perintah Kawalan Pergerakan ini sudah tentu menghadkan perjalanan Perayaan Paskah kita pada tahun ini yang kita sambut mulai dari Hari Minggu Palma, Khamis Suci, Jumaat Agung, Malam Paskah dan Hari Raya Paskah.

"Kawalan pergerakan ini sudah tentu menghadkan perjalanan Perayaan Paska kita pada tahun ini yang kita sambut mulai dari Hari Minggu Palma, Khamis Suci, Jumaat Agung, Malam Paskah dan Hari Raya Paskah. Perayaan-perayaan ini kita tidak dapat rayakan bersama beramai-ramai seperti pada masa lalu pada tahun ini. Gereja itu bukan semata-mata bangunan dan jumlah ramainya umat tetapi Gereja adalah bersifat komuniti dan bermula dalam keluarga, Gereja Rumah (LG Art 11)." (Baca Surat Pastoral Uskup Cornelius selanjutnya pada mukasurat BM 7).

Sementara itu, Uskup Sebastian Francis dari Keuskupan Pulau Pinang di dalam Surat



Hari Minggu Palma di Katedral St Francis Xavier Keningau, tanpa kehadiran umat dan daun palma. Gambar oleh Roney Alfred Eming.

Pastoralnya menyatakan, "Dengan bimbingan Roh Kudus dan Yesus yang ada pada kita, saya berikan anda "Holy Week Kit 2020". Kit ini adalah bertujuan untuk bersama melewati perjalanan dengan anda pada hari-hari Minggu Suci sebagai sebuah keluarga dan isi rumah.

Semoga pengalaman baru pada Minggu Suci tahun ini menjadi masa untuk mengukuhkan martabat pembaptisan anda dan mengambil bahagian dalam Ministri Kristus: Imam, Nabi dan Raja. (Baca Surat Pastoral Uskup Sebastian selanjutnya pada mukasurat BM 7).

Pelbagai Keuskupan/Agung akan menyiarkan Misa Kudus *live streaming* dan ibadat-ibadat liturgi yang lain semasa Minggu Suci agar para umat dapat merayakan hari Minggu Palma dalam talian.

Bagi menonton Misa Kudus *live streaming* dan ibadat-ibadat Liturgi lain dalam Bahasa Malaysia, sila lihat jadual seperti berikut:

JADUAL MISA HARI MINGGU PALMA A LIVE STREAMING DALAM BAHASA MALAYSIA DI PELBAGAI KEUSKUPAN/AGUNG

Misa Senja, 4 April 2020

5:00 ptg *Archdiocese of Kuala Lumpur* <https://www.youtube.com/c/ArchklOrg>

5:30 ptg *Diocese of Keningau* <https://www.facebook.com/keningaudiocese>

Misa Kudus Hari Minggu, 5 April, 2020

8:00 pagi *Diocese of Keningau* <https://www.facebook.com/keningaudiocese>

9:00 pagi *Diocese of Sandakan* <https://www.facebook.com/sandakanparish>

9:00 pagi *Diocese of Sandakan (2nd feed)* <https://www.facebook.com/sunny.osunduh>

9:30 pagi *Archdiocese of Kota Kinabalu* <https://www.facebook.com/shckk>

10:00 pagi *Diocese of Miri* <https://www.facebook.com/diocesefmiri/>

10:30 pagi *Archdiocese of Kuching* <https://www.youtube.com/channel/UCTUfzu6im-4HoSSiXSjmWpsg>

Doa kepada Perawan Maria, Sang Ratu Kesihatan

Doa karangan Sri Paus Fransiskus memohon pertolongan Maria, Sang Ratu Kesihatan bagi mematahkan pandemik coronavirus

Wahai Maria,
Engkau selalu menyinari jalan kami
Sebagai tanda penyelamatan
dan harapan.

Kami mempercayakan
diri kami kepada
Sang Ratu Kesihatan
untuk yang Sakit,
Yang di kaki salib mengambil

bahagian
dalam penderitaan Yesus,
Setia dan Teguh di dalam iman.

Engkau pelindung
orang-orang Romawi,
Tahu apa yang kami perlukan
dan kami percaya engkau
akan menolong, agar seperti
di Cana, Galilea,

kami dapat kembali
untuk bersukacita
dan berpesta selepas tempoh
percubaan ini.
Bantulah kami, Bonda Kasih Ilahi,
Untuk menyelaraskan diri dengan
kehendak Bapa
Dan untuk menyahut
kehendak Bapa

Dan untuk melakukan
apa yang disabdakan oleh Yesus,
Dia yang telah mengorbankan diri-Nya
demi penderitaan kami
dan mengangkat dukacita kami
memimpin kami melalui Salib,
kepada sukacita
dan kebangkitan.
Amen.